



*Fédération Internationale
de Pêche Sportive Mouche*

PRAVILNIK ZA FLY FISHING 2007

Prevod: Dženata Kadić

SADRŽAJ

ISTORIJA/POVIJEST/HISTORIJA.....	3
ČLAN 1. UVOD.....	3
ČLAN 2. OPŠTE INFORMACIJE.....	3
ČLAN 3. PRIJAVE ZA PRVENSTVO.....	4
ČLAN 4. PROTOKOL PRVENSTVA	4
ČLAN 5. PRVENSTVO DRŽAVE ČLANICE FIPS-MOUCHE.....	4
ČLAN 6. ORGANIZACIJA PRVENSTVA	5
ČLAN 7. PRAVILA PRVENSTVA I IZMJENE	6
ČLAN 8. ZDRASTVENA POMOĆ I OBEZBJEDJENJE.....	7
ČLAN 9. TAKMIČENJA U PECANJU SA OBALE.....	7
ČLAN 10. TAKMIČENJE U PECANJU IZ ČAMCA.....	7
ČLAN 11. TRAJANJE PRVENSTVA , OCJENJIVANJE I SESIJA TRENINGA.....	8
ČLAN 12. TKO MOŽE UČESTVOVATI.....	8
ČLAN 13. UVIJETI TIMA.....	9
ČLAN 14. OBAVEZE TAKMIČARA.....	9
ČLAN 15. KAPITENI TIMOVA.....	9
ČLAN 16. KOMISIJA ZA SPROVOĐENJE TAKMIČENJA.....	10
ČLAN 17. ZADUŽENJA, ODGOVORNOSTI I OVLAŠTI KOMISIJE.....	10
ČLAN 18. SEKTORSKE SUDIJE NA TAKMIČENJU.....	10
ČLAN 19. ZADUŽENJA I ODGOVORNOSTI SEKTORSKIH SUDIJA.....	11
ČLAN 20. KONTROLORI- MJERAČI.....	11
ČLAN 21. ŽRIJEB STARTNIH POZICIJA IZ ČAMCA.....	12
ČLAN 22. OPHODENJE PREMA ULOVLJENOJ RIBI.....	12
ČLAN 23. TAKMIČARSKI ČAMCI.....	13
ČLAN 24. RIBA KOJA SE MOŽE KVALIFIKOVATI – MJERITI.....	13
ČLAN 25. TAKMIČARSKI ŠTAPOVI ZA MUŠIČARENJE.....	13
ČLAN 26. TAKMIČARSKA STRUNA ŠNURA ZA MUŠIČARENJE.....	14
ČLAN 27. TAKMIČARSKI PREDVEZI.....	14
ČLAN 28. TAKMIČARSKE MUŠICE.....	14
ČLAN 29. TALMIČARSKI MEREDOV.....	14
ČLAN 30. ZABRANE.....	15
ČLAN 31. IZGUBLJENA RIBA	15
ČLAN 32. DODJELA BODOVA.....	15
ČLAN 33. PLASMAN PO TAKMIČARSKIM SESIJAMA/ SEKTORIMA.....	15
ČLAN 34. TIMSKE I POJEDINAČNE POZICIJE.....	16
ČLAN 35. OBJAVA REZULTATA.....	16
ČLAN 36. OBJAVLJENI REZULTATI I PRIMJEDBE.....	17
ČLAN 37. FORMALNE ŽALBE.....	17
ČLAN 38. TITULE I TROFEJI.....	18
ČLAN 39. JEZIK I ORIGINALNI TEKST PRAVILNIKA.....	18
ČLAN 40. IZJAVA ODOBRENJA.....	18

ISTORIJA / POVIJEST/ HISTORIJA

Prvo Svjetsko prvenstvo u mušičarenju održano je 1981. godine pod pokroviteljstvom Međunarodne Konfederacije Sportskog Ribolova (CIPS), a organizovano od strane Međunarodne Federacije Slatkovodnog Sportskog Ribolova (FIPS – Ed). Godišnja prvenstva organizovao je Komitet FIPS-Ed sve do 1988. godine. Potom je 1989. godine osnovana je Međunarodna Federacija Sportskog Mušičarenja (FIPS-MOUCHE) u San Marinu kao nezavisna Federacija unutar CIPSa.

Predsjedavajući Odbor i Tehnička Komisija ocrтали su pravila takmičenja kako bi osigurali dosljednost u organizaciji FIPS-MOUCHE prvenstava. Pravila je moguće izmijeniti uzimajući u obzir zakone, regulative, prakse i specifične potrebe države domaćina. Međutim, dosta prije dešavanja navedenog događaja, ovakve i slične izmjene moraju biti iskomunicirane sa svim članovima, i to nakon odobrenja od strane Predsjedavajućeg Odbora.

Ukoliko postoje sumnje ili nesuglasice vezano za bilo koji aspekt Pravila Takmičenja, iste će biti riješene uz interpretaciju duha Pravila.

ČLAN 1: UVOD

- 1.1. Sportski ribolov je amatersko pecanje štapom i silkom, bez finansijske nagrade.
- 1.2. Takmičenje u sportskom ribolovu je pecanje uz konkurenciju, uz poštivanje uobičajenih, odobrenih pravila, bez finansijske nagrade.
- 1.3. Takmičenje u sportskom mušičarenju je pecanje konvencionalnim mušičarskim štapom, mušičarskim silkom, mušičarskim koturom i vještačkim mušicama uz konkurenciju, istovremeno poštivajući uobičajena odobrena pravila, bez finansijske nagrade.

ČLAN 2: OPŠTE INFORMACIJE.

- 2.1. Takmičenja mogu biti organizovana za oba spola, gdje se takmiče zajedno ili odvojeno.
- 2.2. Takmičenja mogu biti na tekućoj ili stajaćoj vodi.
- 2.3. Takmičenja mogu biti organizovana za različite starosne grupe, kako slijedi:
 - (a) Kategorija A- Preko 18 u bilo koje vrijeme u toku godine takmičenja
 - (b) Kategorija B- 14-18 godina u bilo koje vrijeme u toku godine takmičenja – Omladina
 - (c) Kategorija C- Biti će osnovana - Masters
- 2.4. Ova takmičarska pravila odnose se jednako na sve kategorije, kao i na Regionalna i Svjetska takmičenja, osim ako je drugačije naznačeno unutar ovih pravila ili izmijenjeno Izmjenama pravila (vidjeti Član 7.1).
- 2.5. Svako Svjetsko Prvenstvo mora imati i Simpozij za Zaštitu okoline.

2.6. Zbog pogodnosti, kroz cijeli dokument koriste se riječi 'on' i 'njegov', ali podrazumijevaju i riječi 'ona' i 'njen'.

ČLAN 3: PRIJAVE ZA PRVENSTVO I ODOBRENJE PRIJAVA

3.1. FIPS-MOUCHE Članovi, koji žele da organizuju bilo koje FIPS-MOUCHE prvenstvo moraju predati pismenu prijavu FIPS-MOUCHE Generalnom Sekretaru najmanje četiri mjeseca prije FIPS-MOUCHE Generalne Skupštine.

3.2. Prijava mora najmanje sadržavati prijedloge za sljedeće tačke:

- (a) Godina, približan datum u godini, mjesto natjecanja, vode i potencijalne vrste riba.
- (b) Prilagodavanje približnom datumu, mjestu natjecanja i vodama, uključujući komentare o kvalitetu ribolova.
- (c) Uključiti stilove pecanja (npr. riječno, suho mušičarenje; plitka stajaća voda, pecanje sa obale, itd.)
- (d) Trajanje prvenstva
- (e) Proračun torškova učešća za natjecatelje i goste.

3.3. Svako FIPS-MOUCHE prvenstvo mora biti odobreno na FIPS-MOUCHE Generalnoj Skupštini.

3.4. Svako FIPS-MOUCHE prvenstvo mora kao minimum imati sljedeće elemente u svom nazivu: redni broj prvenstva; FIPS-MOUCHE; kategorija (ukoliko nije za seniore); primijenjena geografska regija; Prvenstvo u mušičarenju (npr. Drugo FIPS-MOUCHE Omladinsko Svjetsko Prvenstvo u mušičarenju).

3.5. Član FIPS-MOUCHE Predsjedavajućeg Odobora obavezan je posjetiti mjesto takmičenja i vode, najbolje godinu dana unaprijed, kako bi potvrdio da su ispunjeni svi neophodni uslovi za održavanje FIPS-MOUCHE prvenstva. Troškove navedene inspekcije unutar države snositi će država domaćin.

ČLAN 4: PROTOKOL PRVENSTVA

4.1. Sva FIPS-MOUCHE ovlaštena prvenstva održati će se u skladu sa Olimpijskim idealom.

4.2. Zastave zemalja učesnica moraju biti obješene tokom cijelog prvenstva.

4.3. Sva FIPS-MOUCHE Svjetska Prvenstva (što ne podrazumijeva i ostala prvenstva) moraju imati civilnu ceremoniju otvaranja, prilikom koje se predstavljaju sve države, drži se govor o Olimpijskim idealima i izjavljuje izjava o otvaranju prvenstva.

4.4. Sva FIPS-MOUCHE Svjetska Prvenstva (što ne podrazumijeva i ostala prvenstva) moraju imati civilnu ceremoniju zatvaranja, prilikom koje se prezentiraju zlatne, srebrene i bronzane medalje, kako timske tako pojedinačne, nakon čega se izjavljuje izjava o zatvaranju prvenstva.

4.5. Obavezno je svirati državne himne pobjednika medalja prilikom svake prezentacije medalje.

4.6. Nakon što su odabrani za organizaciju svjetskih ili regionalnih takmičenja, svaki član je obavezan FIPS-u-MOUCHE predati izjavu kojom potvrđuje da će biti ispoštovani svi FIPS-MOUCHE Pravila Takmičenja i odredbe C.I.P.S. Ustava.

ČLAN 5: PRVENSTVO DRŽAVE ČLANICE

5.1. FIPS-MOUCHE Članovi imaju slobodu da sankcionišu prvenstva u svojoj državi.

ČLAN 6: ORGANIZACIJA PRVENSTAVA

6.1. Organizacija države domaćina odgovorna je za sljedeće:

- (a) Predavanje privremenog budžeta prvenstva prilikom posjete člana Predsjedavajućeg Odbora (vidjeti Član 3.5).
- (b) Prilikom prethodnog prvenstva (ili najkasnije devet mjeseci prije prvenstva) pružanje svim FIPS-MOUCHE članovima detaljnih informacija o predloženom mjestu, vodama prvenstva, datumima, dostupnim vrstama riba, metodama pecanja i svim drugim podacima, zajedno sa formalnim pozivom za učešće u prvenstvu.
- (c) Postavljanje kvalifikovanog i iskusnog Međunarodnog Organizatora za upravljanje pripremama i vođenje prvenstva.
- (d) Selekcija i obuka sektorskih sudija i kontrolora, koji će raditi u skladu sa Olimpijskim idealima fer i časnog sportskog ponašanja, te predavanje pismenog sažetka Predsjedavajućem Odboru na odobrenje o njihovom angažmanu, selekciji, postavljenju i obuci. Ovaj dokument obavezno je predati tri mjeseca prije početka prvenstva.
- (e) Produkcija računarskih programa za izvlačenje po principu slučajnog uzorka za startnu poziciju i/ili čamac, te za vođenje rezultata – ukoliko zvanični FIPS-MOUCHE program nije dostavljen četiri mjeseca prije početka prvenstva.
- (f) Predavanje FIPS-MOUCHE Predsjedavajućem Odboru ažuriranog budžeta za prvenstvo u vrijeme prvih obavještenja o cijeni učešća u prvenstvu.
- (g) Predavanje FIPS-MOUCHE Predsjedavajućem Odboru svih računa prvenstva, najkasnije tri mjeseca nakon završetka prvenstva.

ČLAN 7: PRAVILA PRVENSTVA I IZMJENE

7.1. Ova Pravila Takmičenja važe za sva prvenstva odobrena od strane FIPS-MOUCHE, osim ukoliko je drugačije naznačeno unutar navedenih pravila ili izmijenjeno dokumentom Izmjene Pravila, kako bi uzeli u obzir zakone, regulative, prakse i specifične potrebe države domaćina.

7.2. Svaka izmjena, koja je rezultat primjene Člana 7.1, mora biti uvrštena u dokumentu Izmjene Pravila.

7.3. Radna verzija Izmjene Pravila treba biti pripremljena tokom posjete člana Predsjedavajućeg Odbora (vidjeti Član 3.5), te finalizirana i predata Predsjedavajućem Odboru u roku od mjesec dana nakon posjete.

7.4. Predsjedavajući Odbor mora pregledati, prepraviti ukoliko je to potrebno, te odobriti Izmjene Pravila, idealno najkasnije sedam mjeseci prije početka prvenstva.

7.5. Generalni Sekretar obavezan je svim članovima poslati Izmjene Pravila u roku od mjesec dana od odobrenja istih od strane Predsjedavajućeg Odbora.

ČLAN 8: ZDRAVSTENA POMOĆ I OBEZBJEĐENJE

8.1. Država domaćin odgovorna je za organizaciju adekvatne medicinske pomoći i službe obezbjeđenja u toku oficijelnog perioda takmičenja.

8.2. Članovi su odgovorni za obezbjeđenje adekvatnog zdravstvenog, putnog i bilo kojeg drugog osiguranja za svoje timove.

ČLAN 9: TAKMIČENJA U PECANJU SA OBALE

9.1. Vode na kojima se održava takmičenje trebaju biti podijeljene u pet sektora, po mogućnosti razvrstani po imenima i rimskim brojevima I, II, III, IV i V, te kodirani bojom.

9.2. Startne pozicije unutar sektora trebaju biti numerisane po redoslijedu, počevši sa uzvodnom granicom prema dolje na tekućim vodama. Na stajaćim vodama, startne pozicije trebaju biti numerisane u smjeru kazaljke na satu. Svaki sektor treba imati broj startnih pozicija jednak broju timova učesnika.

9.3. Primarni cilj države domaćin treba biti pružanje svim učesnicima jednaku pecarsku priliku. Država domaćin treba osigurati da niti jedan takmičar ne bude niti u prednosti niti u gubitku u smislu kvaliteta lokacije startne pozicije. U svakom slučaju, dužina svake startne pozicije treba biti najmanje dvije stotine metara na tekućima vodama i stotinu metara na stajaćim vodama. Idealno govoreći, svaka startna pozicija ima minimalnu zonu zaštite od dvadeset metara sa svake strane.

9.4. Takmičar smije zabacivati i pecati sa mušicama samo unutar označenih granica svoje startne pozicije, te mora biti unutar granica svoje startne pozicije tokom cijelog bloka takmičenja. Takmičar ne smije koristiti niti pecati sa bilo koje vrste mosta u toku trajanja takmičarskog bloka.

9.5. Ukoliko upecana riba otpliva u zonu zaštite, takmičar smije privlačiti ribu samo iz svoje startne pozicije, te je smije izvaditi samo unutar svoje startne pozicije. Ukoliko upecana riba otpliva u susjednu startnu poziciju, te ukoliko takmičar iz navedene susjedne pozicije nema primjedbi, takmičar ima pravo privući ribu iz svoje pozicije te je izvaditi samo unutar svoje pozicije. Ukoliko takmičar iz susjedne pozicije ima primjedbu, takmičar ima najviše pet minuta da izvuče ribu iz susjedne pozicije u zonu zaštite ili u svoju zonu.

ČLAN 10: TAKMIČENJA U PECANJU SA ČAMCA

10.1. U svakom čamcu mora biti isti broj takmičara.

10.2. Svaki takmičar ima pravo da upravlja čamcem u jednakim vremenskim intervalima. Odluka o tome koji takmičar će biti prvi kontrolor donosi se bacanjem novčića.

10.3. Takmičar koji upravlja čamcem ima pravo donijeti sve taktičke odluke, uključujući i: na kojem sjedištu u čamcu sjedi svaki pojedinačni takmičar; gdje čamac treba biti pozicioniran; da li se koristi zaustavno sidro ili ne. Kontrolor može po svom nahođenju poništiti svaku navedenu odluku iz sigurnosnih i fer-plej razloga prema takmičarima, kako u svom tako i u drugim čamcima.

10.4. Čamci moraju biti izvezeni najmanje 10 minuta prije početka takmičenja, kako bi takmičari imali dovoljno vremena da na vrijeme stignu na poziciju sa koje će započeti pecanje.

10.5. Prilikom takmičenja, niti jedan čamac se ne smije približiti drugom čamcu unutar 50 metara, osim iz sigurnosnih ili nužnih razloga.

10.6. Tokom pecanja, takmičari moraju sjediti na fiksiranim sjedištima, ali mogu koristiti jastuk debljine najviše 10 cm (vidjeti Član 10.8).

10.7. Hvatanje mrežom mora učiniti takmičar ili Kontrolor ukoliko takmičar zahtijeva.

10.8. Takmičar ima pravo stajati samo prilikom hvatanja u mrežu, ali ukoliko je zamolio Kontrolora da to uradi, takmičar mora ostati u stolici.

10.9. Izmjene pravila moraju sadržavati detaljnije informacije o tome kako će se održavati pecanje iz čamaca, npr. ploveći ili usidreni čamci; da li je dozvoljena upotreba zaustavnog sidra; područje u kojem je takmičaru dozvoljeno zabacivanje mušica; broj takmičara po čamcu; da li je dozvoljeno pecanje dok Kontrolor vesla; da li se takmičarska staza smije u potpunosti ili djelimično koristiti za zvanični Trening; da li takmičarske vodu trebaju biti podijeljene u pet sektora, te da li je dozvoljeno da više od jednog tima istovremeno peca u navedenom sektoru; da li je obavezno da čamci plove sa pramcem na desno ili na lijevo.

10.10. Samo Kontrolor ima pravo upravljati veslima i motorom.

ČLAN 11: TRAJANJE PRVENSTVA, OCJENJIVANJE I SESIJE TRENINGA

11.1. Svako Seniorsko Svjetsko Prvenstvo obavezno je omogućiti najmanje pet različitih ocjenjivačkih sesija; svako drugo FIPS-MOUCHE prvenstvo obavezno je omogućiti najmanje tri ocjenjivačke sesije. Kod svih prvenstava, takmičari će imati pravo pecati u jednakom broju ocjenjivačkih sesija za svaku vrstu ribolova.

11.2. Svaka ocjenjivačka sesija treba se sastojati najmanje od tri sata pećanja. Ukoliko, iz razloga izvan takmičarske kontrole, ocjenjivačka sesija traje kraće od najavljenog perioda, obavezno je kompenzirati sa dodatnim vremenom za pećanje.

11.3. Vrijeme takmičenja određuje organizacija domaćin.

11.4. Organizacija domaćin obavezna je organizovati najmanje tri sata treninga za svaku vrstu pećanja u navedenom takmičenju, na sličnim vodama, za svakog pojedinog takmičara.

ČLAN 12: TKO MOŽE UČESTVOVATI

12.1. Svaki FIPS-MOUCHE uplaćeni član i svaka nacionalna organizacija, koja je aplicirala za članstvo u FIPS-MOUCHE, te je uplatila članarinu, imaju pravo učestvovati u FIPS-MOUCHE prvenstvima.

12.2. Timovi se izvlače iz članstva nacionalnih organizacija, i svaki član tima mora biti državljanin države za koju nastupa.

12.3. Učesnici mogu biti:

- (a) Tim od najmanje pet takmičara plus opcionalno jedna rezerva i/ili jedan kapiten i/ili jedan menadžer.
- (b) Osoba

ČLAN 13: UVJETI TIMA

13.1. Imena članova svakog tima trebaju biti dostavljena Međunarodnom Organizatoru najdalje trideset 30 dana prije početka takmičenja, sa priloženim potvrdama od Članice Federacije, koja potvrđuje da svi članovi tima ispunjavaju uslove navedene u Članu 12.2. Međunarodnog organizatora obavezno je prilikom registracije obavijestiti o svim naknadnim izmjenama u timovima, sa propisno izmijenjenim potvrdama o ispunjenju uvjeta.

13.2. Prilikom registracije član tima određen za rezervu može zamijeniti takmičara, koji se naknadno može ponovo vratiti u istu grupu za takmičenje u sljedećoj sesiji. Kapiten tima mora napismeno obavijestiti Međunarodnog Organizatora, ili njegovog zastupnika, o svim izmjenama, najkasnije 30 trideset minuta prije početka takmičarske sesije.

13.3. Rezerva može biti izmijenjena samo za pećanje u istom sektoru u kojem se već takmičio, sa izričitim ovlaštenjem seniorskog zastupnika FIPS-MOUCHE prisutnog na prvenstvu. Kapiten tima treba napismeno predati i opravdati navedeni zahtjev najkasnije trideset 30 minuta prije početka navedene takmičarske sesije.

13.4. Ukoliko tim nema člana za prevođenje i tumačenje sa jednog od službenih jezika, onda je timu potrebno dodati i prevodioca/tumača, koji treba da prati tim tokom takmičarskih sesija.

ČLAN 14: OBAVEZE TAKMIČARA

14.1. Ovlašteni FIPS-MOUCHE takmičari obavezni su poštivati Pravila Takmičenja i Izmjene Pravila.

14.2. Iz poštovanja prema domaćinu i svim sponzorima svakog takmičenja, svi registrovani učesnici i timovi obavezni su prisustvovati svim oficijelnim događajima navedenim u finalnom službenom biltenu.

14.3. Odgovornost svakog takmičara je da poduzme sve odgovarajuće mjere predostrožnosti, uključujući zaštitu za oči i opremu za spašavanje.

14.4. Svaki član tima, uključujući i kapitena/zamjena kapitena, obavezni su nositi vidljivo identifikacijsko obilježje ili bedž tokom cijele takmičarske sesije. Navedeno obilježje obezbjeđuje domaćin.

14.5. Svaki takmičar odgovoran je za provjeru tačnosti upisa svog rezultata, što potvrđuje svojim potpisom na kraju svake takmičarske sesije.

14.6. Tokom takmičenja svaki takmičar dužan je putovati prema svim oficijelnim događajima i vraćati se od istih isključivo službenim prevozom, osim ukoliko je obezbijedena dozvola od seniorskog predstavnika FIPS-MOUCHE ili Međunarodnog Organizatora.

14.7. Svaki takmičar, koji u toku takmičarske sesije zatraži savjet (osim od svoga Kapitena) vezano za pecanje ili prihvati bilo koju materijalnu pomoć vezano za pecanje, biti će disciplinovan. Ukoliko u toku takmičarske sesije bilo ko, osim kapitena, ko je angažovan sa timom, komunicira sa takmičarem, smatrati će se da je takmičar tražio savjet vezano za pecanje.

ČLAN 15: KAPITENI TIMOVA

15.1. Kapiten tima nadležan je i odgovoran za ponašanje članova tima u toku trajanja prvenstva.

15.2. Kapiten može imenovati zamjenika kapitena ukoliko o tome informiše Međunarodnog Organizatora ili njegovog predstavnika najkasnije trideset 30 minuta prije početka takmičarske sesije.

15.3. U toku takmičarske sesije, kapiten tima može se slobodno kretati unutar startnih pozicija članova svoga tima, ali nema pravo ulaziti u vodu.

15.4. Kapiten tima može ući u prostor startne pozicije takmičara iz drugog tima samo kako bi došao do pozicije člana svoga tima, i to samo pod uslovom da njegovo prisustvo ne ometa vode ili aktivnosti takmičara iz drugog tima.

15.5. Tokom pecanja iz čamca, kapiten neće imati pristup članovima tima .

15.6. U toku takmičarske sesije, kapiten je jedina osoba (osim takmičarskih sudija) kojoj je dozvoljeno da na bilo koji način komunicira sa takmičarem. Kapiteni i takmičarske sudije su dužni predstaviti se kontrolorima prije komuniciranja sa takmičarima u toku takmičarske sesije.

15.7. U toku takmičarske sesije, kapiten nema pravo pružiti materijalnu pomoć bilo kojem takmičaru.

ČLAN 16: KOMISIJA ZA SPROVOĐENJE TAKMIČENJA

16.1. Komisija treba biti formirana prilikom prvog kapitenskog sastanka.

16.2. Komisiju sačinjava:

- (a) Seniorski predstavnik FIPS-MOUCHE;
- (b) Međunarodni Organizator;
- (c) Tri predstavnika odabrana tokom sastanka, sa spiska osoba koje su nominirali prisutni članovi Predsjedavajućeg Odbora. Timski kapiten države domaćina ne može biti nominovan.
- (d) Svi raspoloživi članovi Predsjedavajućeg Odbora.

ČLAN 17: ZADUŽENJA, ODGOVORNOSTI I OVLASTI KOMISIJE

17.1. Zaduženja i odgovornosti Komisije su:

- (a) Pregled svih izvještaja o prekršajima i poduzimanje odgovarajućih mjera.
- (b) Prijem svih formalnih pismenih prigovora, sa priloženih 200 EUR (dvije stotine Eura) ili protuvrijednost u drugoj valuti, i poduzimanje odgovarajućih mjera.
- (c) Izvještavanje FIPS-MOUCHE Predsjedavajućem Odboru o svim poduzetim mjerama.

17.2. Disciplinske mjere su:

- (a) Upozorenje
- (b) Ukor
- (c) Ne dozvoljavanje cijelog ili dijela ulova
- (d) Diskvalifikacija tima ili pojedinih takmičara

ČLAN 18: SEKTORSKE SUDIJE

18.1. Sektorske sudije za svaki sektor ili grupu takmičara obavezni su za svako takmičenje.

18.2. FIPS-MOUCHE Odbor treba provjeriti i odobriti organizaciju za osiguranje da sektorske sudije posjeduju znanje, te da su kompetentni i upoznati sa ovim Pravilima Takmičenja i eventualnim Izmjenama (vidjeti Član 6.1 (d)).

ČLAN 19: ZADUŽENJA I ODGOVORNOSTI SEKTORSKIH SUDIJA

- 19.1. Sektorske sudije odgovorne su za sprovođenje odgovarajućeg ponašanja takmičenja unutar svojih sektora ili takmičarskih grupa.
- 19.2. Sektorske sudije odgovorne su za nadgledanje obuke svih kontrolora u svojim sektorima i uvažavanje samo onih koji se pravilno kvalifikuju.
- 19.3. Sektorske sudije odgovorne su za nadzor kontrolora kako bi osigurali da vode tačnu evidenciju rezultata i poštvaju Pravila Takmičenja i njihove Izmjene.
- 19.4. Sektorske sudije odgovorne su za pomaganje kontrolorima u tumačenju pravila ukoliko postoji sumnja o mogućem kršenju Pravila i Izmjena pravila.
- 19.5. Sektorske sudije odgovorne su za nadgledanje pravilnog zavođenja sumnji o kršenju Pravila i Izmjena pravilima, te izvještavanje Međunarodnog Organizatora o istim.
- 19.6. U slučaju formalnog pismenog prigovora, odgovarajući sektorski sudija obavezan je pomoći Komisiji prikupljanjem podataka za rješavanje prigovora.
- 19.7. Sektorske sudije odgovorne su za obezbjeđenje da niti jedna osoba, osim kapitena, nema pristup takmičarima u toku takmičarskih sesija. Svi gledaoci trebaju biti na dovoljnom odstojanju kako ne bi ometali ili komunicirali sa takmičarima.
- 19.8. Sektorske sudije mogu imati dodatna zaduženja dodijeljena od strane Međunarodnog Organizatora.

ČLAN 20: KONTROLORI

- 20.1. Kontrolori su odgovorni za najviše dva takmičara istovremeno.
- 20.2. Kontrolori su odgovorni za tačno vođenje evidencije u takmičarevoj listi s rezultatima o svakoj ulovljenoj ribi koja ispunjava uslove, uključujući dužinu zaokruženu na milimetar i vrijeme ulova. Sve neiskorištene dijelove liste kontrolor je dužan prekrižiti na kraju takmičarske sesije. Ukoliko je obezbijeđen paragon blok sa NCR papirom, original takmičareve liste predaje se sektorskom sudiji, dok se duplikat uručuje takmičaru.
- 20.3. Kontrolori su odgovorni za upozoravanje takmičara u slučaju mogućih kršenja Takmičarskih Pravila i njihovih Izmjena.
- 20.4. Kontrolori su obavezni zvesti sva kršenja Takmičarskih Pravila i njihovih Izmjena, te predavanje ovog izvještaja sektorskom sudiji ili Međunarodnom Organizatoru.
- 20.5. Kontrolori mogu imati druge odgovornosti dodijeljene od strane Međunarodnog Organizatora ili sektorskog sudije.

20.6. Država domaćin odgovorna je za pronalaženje kontrolora za članove tima države domaćin iz svoje ili drugih država.

20.7. FIPS-MOUCHE Odbor treba provjeriti i odobriti organizaciju za osiguranje da kontrolori posjeduju znanje, te da su kompetentni i upoznati sa ovim Pravilima Takmičenja i eventualnim Izmjenama (vidjeti Član 6.1 (d)).

ČLAN 21: ŽDRIJEB STARTNIH POZICIJA I ČAMACA

21.1. Sve startne pozicije obavezno je tačno definisati prije dodjeljivanja startnih pozicija takmičarima, te iste ne smiju biti izmijenjene u toku takmičenja.

21.2. Startna pozicija svakog takmičara treba biti izvučena ždrijebom. Ždrijeb treba osigurati da takmičari iz istog tima ne pecaju iz iste startne pozicije više od jednog puta, niti, ako je moguće, iz susjedne startne pozicije.

21.3. FIPS-MOUCHE Seniorski predstavnik obavezan je nadgledati i atestirati tačnost i pravednost ždrijeba.

21.4.

(a) Idealno, ždrijeb za startne pozicije i čamce treba uraditi već planiranim računarskim programom, koji generiše alociranje takmičara u startnim pozicijama ili čamcima po principu slučajnog uzorka. Države se predstavljaju brojevima, dok se takmičari predstavljaju slovima A, B, C, D i E.

(b) Kapiten svakog tima izvlači broj koji predstavlja broj tima svoje države.

(c) Potom, svaki kapiten izvlači slova A do E, putem kojih članove tima kapiteni raspoređuju u grupu, u kojoj će članovi zatim pecati zajedno u svakom sektoru i formirati osnovu za plasmane.

(d) Druge metode ždrijebanja su prihvatljive ukoliko ih odobri FIPS-MOUCHE Seniorski predstavnik.

21.5. Čamac za svakog takmičara određuje se izvlačenjem, koje umanjuje i ako je moguće potpuno anulira mogućnost da takmičari iz iste države pecaju zajedno u istom čamcu tokom prvenstva.

21.6. Određivanje veslača potrebno je učiniti ili računarskim izvlačenjem, koje mora umanjiti i ako je moguće potpuno anulirati mogućnost da veslač vesla za člana svoga tima tokom prvenstva, ili putem javnog ždrijeba neposredno prije takmičarske sesije.

ČLAN 22: OPHODENJE PREMA ULOVLJENOJ RIBI

22.1. Ukoliko takmičar želi da se uhvaćena riba ocijeni, ribu je potrebno ubaciti u mrežu i prosljediti je kontroloru za mjerenj i zapisivanje (vidjeti Član 20.2).

22.2. Kontrolor je obavezani odstraniti udicu, oživiti ribu i vratiti je u vodu, vodeće računa o tome da je ne ošteti.

22.3. Ukoliko takmičar odluči da riba ne ispunjava uslove ili je nedovoljne veličine, nije obavezan da je ubaci u mrežu, ali je treba vratiti u vodu, vodeći računa o tome da je ne ošteti, i idealno, da je ne dodiruje.

22.4. Ukoliko kontrolor ili bilo koji takmičarski službenik odluči da je takmičar postupio nemarno i ribi nanio povredu, ista riba se neće ocijeniti, a takmičar će biti kažnjen brojem poena koji odgovara ribi najmanje prihvatljive dužine. Navedeni incident treba biti prijavljen Komisiji, koja će isti uzeti u razmatranje i donijeti odluku o daljem postupku.

ČLAN 23: TAKMIČARSKI ČAMCI

23.1. Svi takmičarski čamci trebaju biti istih dimenzija, dizajna, strukture i snage.

23.2. Broj osoba u čamcu ne smije prelaziti propisani kapacitet čamca.

23.3. Čamci trebaju biti opremljeni prslucima za spasavanje za svaku osobu na čamcu, kao i signalnim uređajima za privlačenje pažnje u hitnim slučajevima.

23.4. Ukoliko je Izmjenama Pravila dozvoljena upotreba zavlačnog sidra, država domaćin odgovorna je za obezbjeđivanje identičnih zavlačnih sidara za svaki čamac. Ukoliko je zavlačno sidro izgubljeno ili neupotrebljivo, moguće je zamijeniti ga zavlačnim sidrom takmičara.

ČLAN 24: RIBA KOJA SE MOŽE KVALIFIKOVATI

24.1. Vrste riba koje se mogu kvalifikovati i njihove veličine trebaju biti navedeni u Izmjenama Pravila. Kod mjerenja, dužina se mjeri od vrha nosa do dijela repa navedenog u Izmjenama Pravila.

24.2. Samo ribe koje su se zakačile u predjelu usta, npr. ispred zadnjeg dijela poklopca na škragama, mogu se kvalifikovati.

24.3. Riba ulovljena unutar takmičarske sesije kvalifikovana je samo ukoliko je ubačena u mrežu najkasnije deset minuta nakon završetka sesije.

ČLAN 25: TAKMIČARSKI ŠTAPOVI ZA MUŠIČARENJE

25.1. Prilikom takmičenja ne može se koristiti više od jednog štapa za mušičarenje, ne dužeg od 12 ft / 360 cm.

25.2. Takmičari mogu imati rezervne štapove za mušičarenje, ali prilikom pecanja iz čamca, oni ne smiju biti pripremljeni niti mašinica namontirana.

25.3. Takmičari su odgovorni za nošenje i zaštitu sopstvene opreme.

ČLAN 26: TAKMIČARSKA STRUNA ZA MUŠIČARENJE

26.1. Moguće je koristiti sve vrste tvornički proizvedene strune: plutajuća, tonuća ili tonući prednji dio, osim **lead core** strune.

26.2. Takmičarska struna za mušičarenje treba biti najmanje dvadesetdva 22 metra dužine.

26.3. Shooting heads nisu dozvoljeni.

26.4. Strunama za mušičarenje nije dozvoljeno dodavati dodatke za tonjenje ili plutanje.

ČLAN 27: TAKMIČARSKI PREDVEZI

27.1. Dozvoljen je samo jedan predvez, bilo koje dužine.

27.2. Predvezi mogu biti sa ili bez čvorova, sužavajući ili jednake debljine.

27.3. Na predveze nije dozvoljeno dodavati otežanja niti plivajuće indikatore.

ČLAN 28: TAKMIČARSKA MUŠICE

28.1. Takmičari mogu koristiti plutajuće ili tonuće vještačke mušice.

28.2. Svaka mušica treba biti obučena sa samo jednom udicom, bez ograničenja na veličinu.

28.3. O dužini obučene mušice odlučuje takmičar.

28.4. Otežane mušice su dozvoljene, pod uslovom da je otežanje sakriveno unutar materijala za urkašavanje mušice. Takođe je dozvoljena jedna vidljiva otežavajuća kuglica, ne veća od 4 mm. Sama farba ne smatra se ukrasnim materijalom.

28.5 Dozvoljene su najviše tri mušice koje moraju slobodno visiti najmanje 50 cm (pedeset cm) jedna od druge, mjereći od oka do oka.

28.6 Sve mušice trebaju biti zakačene na predvez tako da se ne pomijeraju niti klize.

28.7 Sve mušice trebaju biti obučene kukama bez zubaca, sa skinutim zupcima ili sa spljoštenim zupcima.

ČLAN 29: TAKMIČARSKI MEREDOV

29.1. Meredov treba biti od mekanog pamuka ili druge vrste mekanog, nestrugajućeg materijala, te po mogućnosti bez čvorova.

29.2. Potpuno ispruženi meredov ne smije biti duži od 48" (četrdesetosam inči) tj. 122 cm (stotinu dvadeset dva cm).

ČLAN 30: ZABRANE

30.1. Sljedeće je zabranjeno:

- (a) Takmičarima ili njihovim agentima nije dozvoljeno pecanje unutar startnih pozicija tokom perioda od 60 dana prije oficijelnog početka takmičenja.
- (b) Međunarodni Organizator se ne smije uplitati u upravljanje timom države domaćina u periodu od minimalno 60 dana prije početka prvenstva, pa do njegovog zatvaranja.
- (c) Nikome nije dozvoljeno esportsko ponašanje prema drugim takmičarima, organizatorima ili sudijama.
- (d) Takmičari, organizatori ili sudije, ne smiju poduzimati korake koji bi uzrokovali lažne ili subjektivne rezultate.
- (e) Nikome nije dozvoljeno korištenje foto aparata ili kamera tokom trajanja cijelog Prvenstva, u svrhu slikanja/snimanja startnih pozicija i/ili takmičara drugih država, kako bi protivničkom timu obezbijedili informacije.
- (f) Član tima ne smije koristiti radio ili druge metode elektronske komunikacije tokom takmičarske sesije.
- (g) Takmičarima je zabranjeno da tokom takmičarske sesije zatraži savjet vezano za pecanje od bilo koga (osim svog kapitena) ili prihvati materijalnu pomoć vezano za pecanje od bilo koje osobe.
- (h) Član tima ne smije koristiti sprave za pronalaženje ribe/provjeru dubine u toku Prvenstva.

ČLAN 31: IZGUBLJENA RIBA

31.1. U slučaju da kontrolor izgubi ribu prije mjerenja, takmičaru će biti dodijeljen prosjek bodova svih kvalifikovanih riba izvađenih u tom sektoru u toku te takmičarske sesije.

31.2. Za ribu koja je izgubljena tokom pecanja iz čamca dok kontrolor na zahtjev takmičara mrežom vadi ribu, neće biti dodijeljeni bodovi.

ČLAN 32: DODJELA BODOVA

32.1. Za svaku uhvaćenu ribu koja se kvalifikuje, takmičaru će biti dodijeljeno 100 bodova.

32.2. Takmičari će takođe dobiti po 20 bodova po dužnom centimetru svake ribe koja se kvalifikuje; u svrhu dodjele bodova zabilježena dužina zaokružuje se na gore na sljedeći centimtar.

32.3. Ukoliko riba nije dovoljne dužine za kvalifikaciju, istoj neće biti dodijeljeni bodovi.

ČLAN 33: PLASMANI PO TAKMIČARSKIM SESIJAMA

33.1. Svaki takmičar biti će plasiran u svojoj grupi u skladu sa bodovima koje dobije za svaki sektor i za svaku takmičarsku sesiju tokom prvenstva.

33.2. Svakom takmičaru, koji ne uspije uhvatiti niti jednu važeću ribu, biti će dodijeljen plasman jednak broju takmičara u datom sektoru za datu takmičarsku sesiju. Isti plasman biti će dodijeljen svakom takmičaru koji propusti takmičenje iz bilo kog razloga.

33.3. Svaki takmičar, koji je primoran da se iz bilo kog razloga povuče sa takmičarske sesije prvenstva, ima pravo da se zbir njegovog ulova do trenutka povlačenja zbroji u sveukupni rezultat.

33.4. Svakom nepotpunom timu biti će dodijeljen plasman jednak broju takmičara u datom sektoru za svaku takmičarsku sesiju tokom koje je član tima odsutan.

33.5. Ukoliko je rezultat dodijeljenih bodova među takmičarima istog sektora u toku iste takmičarske sesije izjednačen, presuditi će količinski broj važećih riba ulovljenih. Ukoliko je rezultat i dalje neriješen, takmičarima će biti dodijeljen isti plasman, a naredni plasman(i) biti će prazan(ni).

ČLAN 34: TIMSKE I POJEDINAČNE POZICIJE

34.1. Timske i pojedinačne pozicije biti će dodijeljene na sljedeći način:

- (a) Timske: prva pozicija dodijeljena je timu sa najnižim kumulativnim brojem plasmana svih članova tima, te na isti način dodjeljuju se naredne pozicije.
- (b) Pojedinačne: prva pozicija dodijeljena je osobi sa najnižim kumulativnim brojem plasmana, te na isti način dodjeljuju se naredne pozicije.

34.2. Rezerva koja peca u bilo kojem sektoru više od jednom neće se kvalifikovati za dodjelu bilo koje pojedinačne pozicije unutar prvenstva, međutim njegovi plasmani zbrojiti će se u izračunavanju timskih rezultata.

34.3. U slučaju izjednačenja za poziciju između timova ili pojedinaca, prvi kriterij za odlučivanje biti će najveći broj dodijeljenih bodova, drugi kriterij biti će najveći broj ulovljenih važećih riba, a najveća riba treći kriterij.

34.4. Ukoliko je rezultat i dalje neriješen, timovima ili pojedincima biti će dodijeljen isti plasman, a naredni plasman(i) biti će prazan(ni).

ČLAN 35: OBJAVA REZULTATA

35.1. Međunarodni Organizator obavezan je, prilikom prvog kapitenskog sastanka, objaviti oglasno mjesto rezultata.

35.2. Rezultati takmičarskih sesija, uključujući pojedinačne i timske pozicije, moraju biti objavljeni u roku od tri (3) sata od završetka svake takmičarske sesije.

35.3. Dnevni i kumulativni (zbirni) rezultati, kako timski tako i pojedinačni, potrebno je objaviti u roku od tri (3) sata od završetka posljednje takmičarske sesije svakog dana.

35.4. Konačni rezultati, uključujući timske i pojedinačne pozicije, obavezno je objaviti u roku od tri (3) sata od zatvaranja posljednje takmičarske sesije prvenstva.

ČLAN 36: OBJAVLJENI REZULTATI I PRIMJEDBE

36.1. Dnevni rezultati, kao i rezultati takmičarskih sesija smatrati će se privremenim dva (2) sata nakon oficijelne objave rezultata na kraju posljednje takmičarske sesije za dati dan.

36.2. Vrijeme objave rezultata biti će jasno navedeno na tabeli sa rezultatima.

36.3. Provjera objavljenih rezultata odgovornost je kapitena tima.

36.4. Ukoliko nema primjedbi, koje su u roku privremenog perioda naknadno prijavljene, objavljeni rezultati smatrati će se konačnim.

36.5. Kapiten tima odgovoran je da što je prije moguće obavijesti seniorskog FIPS-MOUCHE predstavnike ili Međunarodnog Organizatora o mogućim odstupanjima.

36.6. Komisija će uzeti u razmatranje za izmjenu samo primjedbe dostavljene u toku privremenog perioda. Nakon eventualnog usaglašavanja, oficijelni rezultati moraju biti potpisani od strane seniorskog FIPS-MOUCHE predstavnika ili Međunarodnog Organizatora, a potom objavljeni.

ČLAN 37: FORMALNE ŽALBE

37.1. Samo takmičarski sudija, tim ili FIPS-MOUCHE predstavnik može sačiniti formalnu žalbu povodom kršenja Pravila Takmičenja, Izmjena Pravila ili FIPS-MOUCHE pravila, te neetičkog ili nesportskog ponašanja ili prevare.

37.2. Formalni žalba mora biti napismeno.

37.3. Formalna žalba mora biti naznačena za ime seniorskog FIPS-MOUCHE predstavavnika ili Međunarodnog Organizatora, u roku od dva (2) sata nakon službenog objavljivanja rezultata posljednje takmičarske sesije datog dana.

37.4. Formalna žalba u ime time mora biti sačinjena od strane timskog kapitena ili menadžera.

37.5. Uz formalnu žalbu od strane time obavezno je priložiti i depozit u iznosu od dvije stotine eura (200 Euro) ili njegovoj protuvrijednosti. Ukoliko je žalba opravdana, depozit će biti vraćen; u drugim slučajevima prosljeđuje se fondu FIPS-MOUCHE.

ČLAN 38: TITULE I TROFEJI

38.1. Tim koji osvoji prvo mjesto imenuje se Svjetskim Prvakom u Timskom takmičenju ili Prvakom u Timskom takmičenju ukoliko nije riječ o svjetskom prvenstvu.

38.2. Svjetski Prvak Timskom takmičenju ili Prvak u Timskom takmičenju dobiti će odgovarajući trofej.

38.3. Pet takmičara, rezerva, menadžer i kapiten timova koji su osvojili prvo, drugo i treće mjesto dobiti će zlatne, srebrene i bronzane medalje.

38.4. Pojedinačni takmičari, koji su osvojili prvo mjesto imenuju se Svjetskim Prvakom u Pojedinačnom takmičenju ili Prvakom u Pojedinačnom takmičenju ukoliko nije riječ o svjetskom prvenstvu.

38.5. Svjetski Prvak u Pojedinačnom takmičenju ili Prvak u Pojedinačnom takmičenju dobiti će odgovarajući trofej.

38.6. Pojedinačni takmičari koji su osvojili prvo, drugo i treće mjesto dobiti će zlatnu, srebrnu i bronzanu medalju.

38.7. Tokom bilo kog ovlaštenog FIPS-MOUCHE takmičenja neće se davati novčane niti bilo koje druge značajne materijalne nagrade.

ČLAN 39: JEZIK I ORIGINALNI TEKST

39.1. Jezik originalnog teksta ovih pravila je engleski.

39.2. Pravila Takmičenja obavezno je obezbijediti na svim službenim jezicima.

39.3. Sva pojašnjenja ili nesporazumi rješavati će se pozivom na originalni tekst.

ČLAN 40: IZJAVA ODOBRENJA

40.1. Originalna FIPS-MOUCHE Pravila Takmičenja odobrena su prilikom osnivanja organizacije FIPS-MOUCHE kao grane C.I.P.S.-a u San Marinu 1989. godine, te su naknadno izmijenjena i odobrena na FIPS-MOUCHE Generalnoj Skupštini kako slijedi:

- (a) Bordeaux, Francuska, April 1991
- (b) Dublin, Irska, April 1993
- (c) Dresden, Njemačka, May 1995
- (d) Luxembourg, Maj 1997
- (e) Poreč, Hrvatska, Maj 1999
- (f) Valladolid, Španija, Maj 2001.
- (g) Locarno, Švicarska, April 2003
- (h) Palermo, Italija, Maj 2005
- (i) Prag, Republika Češka, Maj 2007